

文獻叢編

第三十五輯

大正三十四年三月一日

中華民國二十五年十一月出版

文獻叢編第三十五輯

編輯所


國立北平故宮博物院文獻館

發行所

國立北平故宮博物院出版物發行所
電話 東局四四三六

印刷所

北平宣內東斜街新新印書局
電話 西局五六八



價目表			
郵費	本埠	五	每月一冊
每期一分	市	角	半年六冊
每期一角	外埠	二元七角	每年十二冊
每期二角五分	外國	五元二角	

本市 上海

天津各大書店均有代售

文獻叢編第三十五輯目錄

元人貨郎圖

江西鄉試錄序

光緒庚子辛丑電報軍機處檔

蘇州織造李煦奏摺 宮中檔案

奏起身赴京日期並報淮南商皆願入都祝壽摺

奏冬雪已降並報米價摺

奏兩淮商人延僧建醮祝頌萬壽摺

奏淮商進京祝壽勢難諭留摺

奏報各省糧船過揚北上並進張伯行刻書二箱摺

謝恩摺

奏報督催各竈戶趕緊煎鹽以供捆運並報米絲價目摺

奏揚州府寶應縣南衝決隄工總河現正督率堵塞摺

奏寶應縣堤工堵塞後又經大雨衝決現正督工堵築摺

奏報督催煎鹽並報米價摺

奏總河督工堵築盧家直堤決口已完工摺

奏引鹽陸續出場將次運到儀真並報米麥價目摺

奏報已赴儀真秤掣商鹽並報米麥價目摺

奏報早稻已割晚稻現正刈穫並報米麥價目摺

奏謝命巡視兩淮鹽課摺

奏報浙江衢州府等處旱災摺

奏報天氣晴明人民樂業並進晴雨錄摺

奏進呈佩文韻府書樣並請印刷部數摺

奏護送做樂器人上京候旨並進各樣竹子摺

奏報米麥價目摺

奏蒙教誨謝恩摺

奏報冬雪已降及米麥價目摺

奏代理鹽差已滿一年所得餘銀盡歸曹顯補帑摺

奏謝革職留任恩並報商人赴慎刑司領銀摺

奏報米價摺

奏賀元旦摺

奏進樂器竹子並選工採辦靈璧磬石摺

教案史料 軍機處檔

英教士高學海在南昌被毆案

英欽差威妥瑪知照英教士在南昌被毆情形照會

英欽差威妥瑪請將江西省官憲毆逐英教士情形入奏照會

英欽差威妥瑪照復被逐英教士之遊歷執照並無模糊之蹟照會

英欽差威妥瑪知照派員面呈被逐英教士之遊歷執照照會

英欽差威妥瑪知照繕送英教士在南昌被逐詳情節略照會附節略

英欽差威妥瑪知照繕送貝領事官往南昌查辦教案復行被毆節略照會附節略

福建延平英教民買屋建堂被禁阻案

英欽差威妥瑪請詢延平教案如何了結照會

英欽差威妥瑪請轉飭妥辦延平教案照會

英欽差威妥瑪再請妥結延平教案照會

英欽差威妥瑪請詢來文所謂照章係屬何項章程照會

英欽差威妥瑪知照延平教民買地建堂仍被禁阻照會附鈔單

徐錫麟案

端方密電檔

工程史料 內務府檔

總理工程處三和等奏應行粘修乾清宮等處工程摺

總理工程處三和等奏修理景山等處工料銀兩摺

永福等奏查核熱河園內等處工程用過銀兩摺

光緒庚子辛丑電報續

軍機處檔

山西巡撫錫良電 光緒二十六年十月初二日

十萬萬急西安軍機大臣中堂大人鑒宙昨因固關防軍統領張道成基猝故以劉鎮光才將人晉移委接統暫派知府吳匡照料電請代奏在案頃接探報洋兵馬十六名步九十名二十九到獲鹿尙有大隊在後正定運來軍火二十餘車大砲數尊西犯之迹亦明而劉鎮光才甫抵趙州來晉尙需時日防軍無統與司道會商選派湘軍營官張鎮德朝暫統俟劉鎮到防交替又據忻州飛報洋兵已到直隸阜平縣距五台縣屬龍泉關甚近前已派兩旗扼防現又添派一營又據大同鎮府飛報據宣化鎮函稱洋兵二十二日至延慶州一千餘名有往歸化之說楊鴻禮赴枳兒嶺以防北路升允駐靈邱萬本華劄平型關以防紫荆後路又據大同鎮函稱二十六日洋兵大隊直入宣化掠掠軍火敵人多方牽綴防不勝防晉省兵力已竭迭與宋馬兩提督會商妥籌嚴備竭力抵禦似此萬分緊急夏丁兩軍可否前進接應防門戶似勝於防堂奧伏乞訓

示再正在議和洋兵紛進不止阻之則必開衅讓之則竟長驅關繫均極重大仍遵前旨飭吳匡俟其來時先行理喻倘彼先放鎗砲不能束手以待貽誤大局總之衅自彼開我實出於無奈應請電諭慶王李鴻章婉向各國開導速將洋兵撤回共維和局中外同幸伏乞電復錫良東請代奏

總兵宋慶等電

光緒二十六年十月初二日

軍機大臣中堂尙書大人鈞鑒頃接大同鎮楊鴻禮函稱洋人大隊並有許多教民於二十六日四點鐘直入宣化該處官員出迎入城後四門緊閉出入監查該鎮已親帶練兵兩旂前往天鎮枳兒嶺一帶防堵並請派隊接應等情前來臣等會商洋兵旣入宣化逼近晉疆已越居庸關之西因將防守居庸之馬心勝各營調赴大同會合該鎮練軍厚集兵力相機因應謹合詞電奏臣宋慶馬玉崑錫良謹奏乞代奏東

馬玉崑電

光緒二十六年十月初二日

西安軍機大臣中堂尙書大人鈞鑒武衛前軍左路范天貴步隊五營前經廷

護院函商留於保定昨有該軍勇丁逃回云稱該統領帶隊剿辦拳匪遇洋兵向收槍械不服互相開槍范天貴陣亡洋人頭目亦斃該軍弁勇皆向河間暫依呂本元而呂提督未肯收錄等語該軍所領皆係曼利夏快槍並格魯森快炮四尊既未被洋人收去誠恐散勇資以爲亂乞飭呂提督就近收錄設法辦理馬玉崑叩東

盛宣懷電

光緒二十六年十月初二日

急西安武昌署南京署榮中堂王中堂張制台劉制台鈞鑒聞各國續增數款因教案罷斥人員不得任用係美國提議重定現行條約係英國提議派員經理中國財政備抵償款係義國提議傳聞各使自行會議二十八可畢云鐸艷宣轉卅

全權大臣奕劻等電

光緒二十六年十月初二日

軍機處駐法裕庚宥電彼氣方張本無理可說屢向外部切論總以事關各國且既派全權不便遙制而博探朝野私議僉謂中國不按誅罪人又不盡允所

求和局萬無指望衆口一詞以現情論正在危急若罪人先辦得到地其所開各件可酌應允亦尙須遷就或可有望若二者入手皆不穀分數恐愈久相去愈遠難以挽救瀝陳伏候酌核云請代奏奕劻李鴻章鑒

總兵宋慶電

光緒二十六年十月初三日

萬急西安軍機大臣中堂尙書大人鈞鑒前將洋兵已入宣化電奏在案現據東路探報法兵頭隊馬步各數十人於二十九日入獲鹿尙有大隊在後等語到處教民勾結聲言晉省所殺洋人教民太多必欲報復東北兩路現已齊來勢將西趨正值議和之際所到各城官皆出迎供應民亦力求勿戰免擾其怒遂使洋兵無所忌憚且到處要挾收我軍械前進不已無所底止臣不得已與錫良馬玉崑再四相商倘真攔入晉疆惟有竭力抵禦軍中子彈昨又運到數十萬尙可一戰卹非我開實逼處此亦復無可奈何伏乞聖鑒臣宋慶謹奏乞代奏慶叩江

全權大臣奕劻等電

光緒二十六年十月初三日

西安軍機處前美康使照稱劉坤一張之洞有撤任之說當復以並無此事嗣英薩使面詢又告以勿聽讒言頃德穆使來晤謂各國將來意欲議和則江督楚督萬不可動不知此語從何誤傳特電知留意慶鴻艷

全權大臣奕劻等電

光緒二十六年十月初三日

西安軍機處駐日李盛鐸勘電屢晤外部言正法多人殊爲難且懿親不加刑各國通例總宜分別辦理外部答日廷無成見惟各國堅請正法現姑向商酌但一概保全恐辦不到鐸又催開議外部答各使聚議條款日增日廷悉極力調停務在簡少期於可行至聯軍四出蹂躪日軍均未偕行等語昨英使言山西教案轆轤法國卽派兵前往又催開議據稱仍候各國政府電復俄使言俄主現患時症甚劇延擱未復請代奏奕劻李鴻章冬

兩江總督劉坤一電

先緒二十六年十月初三日

加急西安行在軍機處鈞鑒亥近日法副提督巴愛美等德提督蓋斯雷總領事克納貝等英領事孫德雅先後來坤一署相見首問回鑾何日繼以首禍未

經嚴辦毓賢董福祥情罪尤重必須駢誅爲言並疑由鄂運陝銀米及軍械均爲接濟董軍微露阻截之意經坤一再三議論喻以親王永遠圈禁無可再加毓賢遠戍苦差處置已重並告以中國極願速和兩宮旰夕憂勞每至痛切之處該洋員等相顧動色愀然不安因卽勸其迅速開議撤退聯軍由我肅清京城迎還車駕該洋員等允卽電知公使及外部而於嚴辦毓董始終不肯放鬆近日漢口英領事法磊斯來之洞署問及回鑾日期當告以聯軍未撤京畿未靖如何遽能回鑾臣下亦斷不能請並詰以必請回鑾是何意該領事云回鑾則可離開董軍免其挾制朝廷之意因喻之曰必候回鑾爲期較遠未免耽延和議若只爲離開董軍此時我若將董軍調至他處能卽開議否該領事詞氣似尙許可答以當卽電告公使英領事語意蓋欲先以董遠離聖駕以便懲辦其餘與坤一所聞大率相同察看該洋員等詞意參以日來各處電報情形圈禁四人雖未滿意尙可磋磨其餘降調革留非再行加重不可毓賢董福祥最爲各國切齒堅請必置重典語氣尤爲決絕聞慶親王大學士李鴻章正在商

辦各國已預備哀的美敦書如所請再不允辦和議必不能成枝節橫生禍速且烈且八國師艦輻集吳淞若併力進攻沿江各省實難抵禦竊思馭外之道非戰卽和目前水盡山窮萬無可戰則和局勢難游移愈久愈不可收拾大清數百年宗社亦萬無因此數人坐致危亡之理伏願皇太后皇上宸衷獨斷立賜施行縱或董福祥暫難嚴懲亦懇設法奪其兵柄遠離輦轂以釋各國之疑伏候聖裁再英提督西摩於三十日由滬赴鄂俟接見後再行電陳請代奏坤一之洞冬

盛宣懷電

光緒二十六年十月初四日

軍機處電旨到滬甚遲已飭孫道加急並飭沿途遇急字報提前但聞由撫署轉發多一轉折請徑交電局凡要旨封面須有緊急字樣以免延誤宣懷江

雲南巡撫丁振鐸電

光緒二十六年十月初四日

行在軍機大臣亥密各堂鈞鑒乘輿西幸締造維艱薄海臣工至深焦灼滇雖受協之省久邀聖明洞鑒近以邊防緊迫援應虛懸尙得迭奉諭旨嚴飭川鄂

等省寬籌協濟添布邊防固西南以安秦蜀自不以另籌的款解供行在責諸困紉巖疆然君父之急敷天共濟苟能勉効萬一義無獨後他省藩司李經羲綜覈精密竭力紆籌閏八月間已搜提銀十萬兩電由川起解在途倘行在需用仍殷擬無論如何設法騰挪再提前籌借銀十萬兩仍電匯川省委員代解以期迅速俟至來年卽在應解京餉及原奉旨撥各款如數提還應支庶以先所尤急者稍慰宸厪仍以歸於有著者力顧邊圉愚昧微忱是否有當謹懇衡核代奏請旨遵行曷勝悚企丁振鐸叩呈冬

黑龍江將軍綽哈佈電

光緒二十六年十月初四日

軍機處王大臣鈞鑒哈佈蒙恩調補黑龍江將軍業已具摺請覲並於初二卸篆擬初六起程馳詢行在請訓後由陝趨襄陽下駛至滬航海北行茲接慶親王李鴻章電催速行並令徑由川省東下直赴旅順與俄提督商議大略以後一切可期順手等語伏查由此赴滬水程迂折與由陝而鄂至上海計其遲速不及一月而哈佈初任艱鉅深懼弗勝惟求面承聖訓俾有遵循且善後賑撫

遣散安插諸事均須先向政府面受機宜辦理方有把握可否仍准入覲抑應由此沿江下駛航海赴旅乞代奏請旨祇遵並請速復哈佈肅江

全權大臣奕劻電

光緒二十六年十月初六日

西安軍機處鑒初二日電旨敬悉現在京貝勒載潤貝子毓崑公奎瑛意普開單具奏較遲特電請代奏慶親王支

山西巡撫錫良電

光緒二十六年十月初六日

西安軍機大臣中堂大人鈞鑒由直隸前藩司廷雍所部振遠軍十營據營官吳立達何厚吾會同井陘縣嚴書勳稟現在該軍七營駐順德一帶三營駐易州一帶孤軍無主餉絕將潰乞援救等情竊思該軍若不接濟必至饑潰爲患直隸庫款現由道員葉元琦運交汴省藩庫可否請旨飭下河南撫臣轉飭葉元琦酌帶餉銀馳赴順德將振遠各營給發餉項酌量陶汰遣散免致滋事請代奏錫良叩未

山西巡撫錫良電

光緒二十六年十月初六日

萬急西安軍機大臣中堂大人鑒由請代奏事初四奉電旨洋兵西進不止其爲意在尋仇可知等因並准奕劻李鴻章電法因查辦教案聞派兵入晉應留意防備等語伏查臣自履任首飭保護教士安輯教民痛懲拳匪其教士願回國者派員撥兵護送近來民教相安匪蹤遠遁實無教案可辦五旬來慘淡經營不遺餘力原冀共維和局亦似可告無罪於友邦若謂從前教案則咎有攸歸已蒙嚴譴况晉民鑒於直隸義憤相激焉肯相迎自甘殺辱一旦干戈擾攘匪特有礙欵議乘輿密邇安危所關臣萬死奚辭其如大局何如數百萬生民何惟有請旨迅飭奕劻李鴻章再商法使力止入晉之兵統俟和局大定中外特簡大臣持平查辦晉案務使匪徒盡法無辜昭雪揆諸各國僉以勸善爲懷亦必不欲內外軍民共遭塗炭有違天和玉帛相將遠勝兵戎從事天下之幸亦各國之光也頃探龍泉關軍情萬緊已商宋慶馬玉崑撥隊往禦附陳臣錫良謹奏歌

全權大臣奕劻等電

光緒二十六年十月初六日